



Broj: 02-11-1885-2/24

Datum; 03.09.2024. godine

Na osnovu člana 64. stav (1). tačka b, člana 70. stava 1., 3. i 6. Zakona o javnim nabavkama Bosne i Hercegovine („Sl. glasnik BiH“ broj: 39/14, 59/22 i 50/24), na Preporuku Komisije za javnu nabavku broj: 02-11-1885-2/24 od 03.09.2024. godine, u pregovaračkom postupku bez objave obavještenja o javnoj nabavci, za nabavku -LOT 2: Angažovanje građevinske mehanizacije: (rovokopač/bager gusjeničar sa dužom rukom/strijelom) na gašenju požara na deponiji „Stanovi“, Općinski Načelnik d o n o s i

O D L U K U **o izboru najpovoljnijeg ponuđača**

Član 1.

Prihvata se Preporuka Komisije za javnu nabavku, broj: 02-11-1885-2/24 od 03.09.2024. godine i ugovor za javnu nabavku - LOT 2: Angažovanje građevinske mehanizacije: (rovokopač/bager gusjeničar sa dužom rukom/strijelom) na gašenju požara na deponiji „Stanovi“, dodjeljuje se ponuđaču „JOJA TRANSPORTI“ d.o.o. Živinice, konačna ponuda broj: 03/9-11-1969/24 od 30.08.2024. godine, za ponuđenu cijenu od 13.500,00 KM, bez uračunatog PDV-a. Ukupna vrijednost ugovora sa uračunatim PDV-om je 15.795,00 KM.

Član 2.

Prijedlog ugovora o nabavci dostavit će se na potpis izabranom ponuđaču istovremeno sa slanjem Odluke o izboru najpovoljnijeg ponuđača.
Rok mirovanja se ne primjenjuje, budući da je u postupku učestvovao jedan ponuđač, čija je ponuda ujedno i odabrana, a sve u skladu sa članom 98. stav (2). tačka a) Zakona o javnim nabavkama.

Član 3.

Za izvršenje ove odluke zadužuje se i ovlašćuje Služba za finansije, budžet i poduzetništvo.

Član 4.

Ova odluka objavit će se na web-stranici <http://www.kladanj.ba/>, istovremeno s upućivanjem ponuđačima koji su učestvovali u postupku javne nabavke, u skladu sa članom 70. stav 6. Zakona o javnim nabavkama.

Član 5.

Ova odluka stupa na snagu danom donošenja, i dostavlja se svim ponuđačima koji su učestvovali u postupku javne nabavke, u skladu sa članom 71. stav 2. Zakona o javnim nabavkama.

Obrazloženje

Postupak javne nabavke pokrenut je Odlukom o pokretanju postupka javne nabavke broj: 02-11-1885/24 od 14.08.2024. godine.

Javna nabavka je provedena pregovaračkim postupkom bez objave obavještenja. Procijenjena vrijednost javne nabavke bez PDV-a je 13.500,00 KM.

Zakonski osnov za provođenje ove vrste postupka javne nabavke temelji se na osnovu člana 21. stav (1) tačka d) i člana 28. Zakona o javnim nabavkama, (Službeni glasnik BiH broj broj: 39/14, 59/22 i 50/24).

S obzirom na utvrđeni zakonski osnov za provođenje ove vrste postupka javne nabavke, prilikom pripreme tenderske dokumentacije predviđeno je provođenje postupka javne nabavke po fazama: -

pretkvalifikacija, -dostavljanje početnih ponuda i pregovaranje i -dostavljanje i ocjenjivanje konačnih ponuda.

Komisija za javnu nabavku imeñovana Rješenjem broj: 02-11-1885/24 od 16.08.2024. godine, dostavila je ovom organu dana 03.09.2024. godine Zapisnik o pregledu i ocjeni konačne ponude i Preporuku o izboru najpovoljnijeg ponuđača u pregovaračkom postupku bez objave obavještenja o nabavci broj: 02-11-1885-2/24 od 03.09.2024. godine u postupku javne nabavke radova –LOT 2: Angažovanje građevinske mehanizacije: (rovokopač/bager gusjeničar sa dužom rukom/strijelom) na gašenju požara na deponiji „Stanovi“.

U postupku je utvrđeno da je Komisija za javnu nabavku blagovremeno i pravilno izvršila otvaranje ponuda i ocjenu prispjelih konačnih ponuda, o čemu je sačinila odgovarajuće zapisnike, u kojima je utvrđeno sljedeće:

- da je ukupan broj pristiglih ponuda jedna (1);
- da je blagovremeno zaprimljena jedna (1) ponuda;
- da nema neblagovremeno zaprimljenih ponuda;
- da je ponuda ponuđača "JOJA TRANSPORTI" d.o.o. Živinice prihvatljiva;

U postupku donošenja ove odluke, posebno su cijenjene činjenice da je Komisija, pravilno i potpuno, izvršila ocjenu kvalificiranosti ponuđača te ocjenu prispjelih ponuda, u skladu sa kriterijima iz tenderske dokumentacije.

U postupku ocjene provedenog postupka, ovaj organ nije našao razloge, nepravilnosti niti propuste u radu koji bi eventualno bili osnov za neprihvatanje preporuke Komisije za javne nabavke.

Izabrani ponuđač je izabran primjenjujući kriterij najniže cijene, koja je ponuđena u iznosu od 13.500,00 KM, bez uračunatog PDV-a. Ukupna cijena ugovora sa uračunatim PDV-om je 15.795,00 KM.

Rok mirovanja se ne primjenjuje, budući da je u postupku učestvovao jedan ponuđač, čija je ponuda ujedno i odabrana, a sve u skladu sa članom 98. stav 2. tačka a) Zakona o javnim nabavkama (Službeni glasnik BiH broj 39/14, 59/22 i 50/24).

Iz navedenih razloga, primjenom člana 64. stava (1) tačka b) najniža cijena Zakona o javnim nabavkama, odlučeno je kao u članu 1. ove odluke.

POUKA O PRAVNOM LIJEKU

Protiv ove Odluke dopuštena je žalba. Žalba se izjavljuje Uredu za razmatranje žalbi putem ugovornog organa u roku od 30 dana od dana objave obavještenja o dodjeli ugovora. Žalba se dostavlja u tri istovjetna primjerka u pisanoj formi direktno ili preporučenom poštanskom pošiljkom na adresu Općina Kladanj ul. Kladanjske brigade br. 2, 75280 Kladanj.

Dostaviti:
-Ponuđaču,
-U spis predmeta,



OPĆINSKI NAČELNIK
Jusuf Čavkunović, dipl.ing.